



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

**Anr. 341/ 2017**

**Paneli Zgjedhor për Ankesa dhe Parashtrësia (PZAP)**, në panelin e përbërë nga gjyqtarët: Hasan Shala, kryesues, Nenad Lazic, dhe Rafet Haxhaj, anëtarë, duke vendosur përkitazi për ankesat e subjektit politik Partija Kosovskih Srba (PKS), me seli në Komunë e Leosaviqit, paraqitur kundër Organizatës për Siguri dhe Bashkëpunim në Evropë (OSBE), në Kosovë, për shkak të parregullsive gjatë procesit zgjedhor në ditën e votimit, për në Zgjedhjet e Parakohshme Parlamentare, në seancën e panelit të mbajtur me 14.06.2017, mori këtë:

### **V E N D I M**

**Hudhen si të pasafatshme** ankesat e Partija Kosovskih Srba (PKS), me seli në Komunë e Leosaviqit Anr. 341/2017, Anr. 342/2017, Anr. 343/2017, Anr. 344/2017, Anr. 345/2017, Anr. 346/2017, Anr. 347/2017, Anr. 348/2017, Anr. 349/2017, Anr. 350/2017, Anr. 351/2017, Anr. 352/2017 dhe Anr. 353/2017 të datës 14.06.2017, paraqitur kundër OSBE-së, për shkak të parregullësive gjatë procesit të votimit me datë 11.06.2017.

### **A r s y e t i m**

Paneli i PZAP-it, në bazë të nenit 8.3 të Rregullave dhe Procedurat e PZAP-it, ka bashkuar ankesat Anr. 341/2017, Anr. 342/2017, Anr. 343/2017, Anr. 344/2017, Anr. 345/2017, Anr. 346/2017, Anr. 347/2017, Anr. 348/2017, Anr. 349/2017, Anr. 350/2017, Anr. 351/2017, Anr. 352/2017 dhe Anr. 353/2017 të datës 14.06.2017, dhe i ka trajtuar si një ankesë të evidentuar me Anr. 341/2017, për shkak të natyrës së njëjtë të rasteve dhe pretendimeve ankimore, dhe për të gjitha ankesat vendosi me një vendim, për shkak të efikasitetit dhe ekonomizimit të procedurës.

PZAP, më datë 13.06.2017, ka pranuar ankesat nga Partija Kosovskih Srba (PKS), me seli në Komunë e Leosaviqit, paraqitur kundër OSBE-së, në të cilat kanë theksuar se:

**Ankesa Anr. 341/2017**, është e parashtruar nga Jelena Stevanovic, me të cilën pretendohet se OSBE ka lejuar që votues me dokumente të Serbisë të votojnë si votues të rregullt edhe pse ka qenë kutia e votimit që të votohet me kusht ne Vendvotimin 1203b/02D.

**Ankesa Anr. 342/2017**, është e parashtruar nga Julia Vukasinovic, me të cilën pretendohet se OSBE ka lejuar që votues me dokumente të Serbisë të votojnë si votues të rregullt edhe pse ka qenë kutia e votimit që të votohet me kusht ne Vendvotimin 1202b/04D. Për më tepër parashtruesja e ankesës thekson në ankesë se ju është bërë presion nga

përfaqësuesi OSBE-së në vendvotim që të lejohen të votojnë votuesit edhe pse nuk ishte në harmoni me rregullat zgjedhore.

**Ankesa Anr. 343/2017**, është e parashtruar nga Rados Stevanovic, me të cilën pretendohet se OSBE ka lejuar që votues me dokumente të Serbisë të votojnë si votues të rregullt edhe pse ka qenë kutia e votimit që të votohet me kusht ne Vendvotimin 1211b/01D.

**Ankesa Anr. 344/2017**, është e parashtruar nga Milan Kogic, me të cilën pretendohet se OSBE ka lejuar që votues me dokumente të Serbisë të votojnë si votues të rregullt edhe pse ka qenë kutia e votimit që të votohet me kusht ne Vendvotimin 1205b/01R.

**Ankesa Anr. 345/2017**, është e parashtruar nga Biljana Pelevic, me të cilën pretendohet se një votues ka votuar me kusht në VV1202b/04D, sepse kur i njëjti ka shkuar të voton në VV e tij të rregullt ka rezultuar se gjendet e nënshkruar rubrika e tij në librin e votuesve. Poashtu parashtruesja e ankesës thekson se një aktiviste e Listës Serbe, në VV të lartpërmendur, ka bërë presion ndaj disa votuesve që ta votojnë partinë e saj.

**Ankesa Anr. 346/2017**, është e parashtruar nga Goran Petronijevic, me të cilën pretendohet se OSBE ka lejuar që votues me dokumente të Serbisë të votojnë si votues të rregullt edhe pse ka qenë kutia e votimit që të votohet m kusht ne Vendvotimin 1201b/04D.

**Ankesa Anr. 347/2017**, është e parashtruar nga Vladimir Petronijevic, me të cilën pretendohet se OSBE ka lejuar që votues me dokumente të Serbisë të votojnë si votues të rregullt edhe pse ka qenë kutia e votimit që të votohet me kusht ne Vendvotimin 1201b/03R, poashtu sipas parashtruesit të ankesës, në këtë VV ka ardhur edhe kryetari i Komunës së Leposaviqit, sipas sistemit të Kosovës dhe ka uluruar duke thënë se tradhtar për kënd punoni ju sepse këtu duhet të votohet me letërnjoftime të Serbisë.

**Ankesa Anr. 348/2017**, është e parashtruar nga Mirko Simovic, me të cilën pretendohet se votues të cilët kanë ardhur nga Serbia, përveç letërnjoftimit të Serbisë, nuk kanë poseduar dokumentat e personave të zhvendosur nga Kosova, ne Vendvotimin 1205b/05D.

**Ankesa Anr. 349/2017**, është e parashtruar nga Aleksander Barac, me të cilën pretendohet se votues të cilët kanë ardhur nga Serbia, përveç letërnjoftimit të Serbisë, nuk kanë poseduar dokumente e personave të zhvendosur nga Kosova, ne Vendvotimin 1208b/01D.

**Ankesa Anr. 350/2017**, është e parashtruar nga Miljan Nastic, me të cilën pretendohet se, në shkollën fillore "Vuk Karadzic" ne Vendvotimin 1202b/02R, votues me dokumente të Serbisë, kanë votuar si votues të rregullt edhe pse ka qenë kutia e votimit që të votohet me kusht.

**Ankesa Anr. 351/2017**, është e parashtruar nga Sanja Virijevec, me të cilën pretendohet se votues të cilët kanë ardhur nga Serbia, përveç letërnjoftimit të Serbisë, nuk kanë poseduar dokumentat e personave të zhvendosur nga Kosova, ne Vendvotimin 1205b/05D.

**Ankesa Anr. 352/2017**, është e parashtruar nga Jadranka Vuckovic, me të cilën pretendohet se OSBE ka lejuar që votues me dokumente të Serbisë të votojnë si votues të rregullt edhe pse ka qenë kutia e votimit që të votohet me kusht ne Vendvotimin 1202b/03R.

**Ankesa Anr. 353/2017**, është e parashtruar nga Zoran Boroc, me të cilën pretendohet se OSBE ka lejuar që votues me dokumente të Serbisë të votojnë si votues të rregullt edhe pse ka qenë kutia e votimit që të votohet me kusht ne Vendvotimin 1202b/04B. Mëtëj

parashtruesi i ankesës thekson se anëtari i KVV-së, nuk e ka lejuar që ta evidenton presionin e OSBE-së.

Paneli pas shqyrtimit paraprak të afatshmerinë së ankesave gjeti se:

**Ankesat janë të pasafatshme.**

Për të gjitha parregullsitë që mund të paraqiten në ditën e votimit, ankesa mund të paraqitet në PZAP, brenda 24 orëve nga momenti i mbylljes së Qendrës së Votimit sipas nenit 119 par.1 të Ligjit për Zgjedhjet e Përgjithshme (LZP). Në rastin konkret ashtu siç del nga ankesat të njëjtat janë dorëzuar në PZAP, nga parashtruesit e ankesave me datë 13.06.2017. Nga përmbajtja e ankesave rezulton se të gjitha pretendimet ankimore të parashtruar nga ankuesit në ankesat Anr. 341/2017, Anr. 342/2017, Anr. 343/2017, Anr. 344/2017, Anr. 345/2017, Anr. 346/2017, Anr. 347/2017, Anr. 348/2017, Anr. 349/2017, Anr. 350/2017, Anr. 351/2017, Anr. 352/2017 dhe Anr. 353/2017 të datës 14.06.2017, ndërliken me parregullsitë gjatë procesit të votimit, në ditën e votimit të datës 11.06.2017.

Nga kjo rezulton se ankesat e lartpërmendur janë dorëzuar në PZAP, pasi që ka kaluar afati ligjore për të parashtruar ankesa në PZAP, për parregullsitë në ditën e votimit sipas dispozitës së lartcekur ligjore, kjo nga fakti se afati për paraqitjen e ankesave ka qenë me datën 12.06.2017 deri në ora 19:00, ndërkaq ankuesit ankesat e tyre i kanë parashtruar në PZAP me datë 13.06.2017, që do të thotë se ankesat janë parashtruar pas afatit ligjor të përcaktuar me dispozitën ligjore të nenit 119 par.1 të LZP-së, lidhur me nenin 6 par.4 të Rregullave dhe Procedurave të PZAP-it, Nr.02/2015.

Duke u nisur nga arsyet e theksuara me lart ne kuptim të nenit 118 dhe 119 të LZP-së dhe nenin 6 par.4 të Rregullave dhe Procedurave të PZAP-it, Nr.02/2015, paneli vendosi si në dispozitiv të këtij vendimi.

**Paneli Zgjedhor për Ankesa dhe Parashtrësia**

Anr. 341/2017 më datën 14.06.2017



**Kryesuesi i Panelit**  
Hasan Shala

*Këshillë Juridike: PZAP nuk do t'i pranojë kërkesat për ri-apelime, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i.*